

TEZAU LITURGIC

28 IUNIE

SLUJBA


**SF.DOCTORI FĂRĂ DE ARGINȚI
ȘI MUCENICI**

CHIR DE LA ALEXANDRIA

ȘI

IOAN DE LA EDESA SIRIEI

-ADUCEREA MOAȘTELOR-



MOSCOVA, 2000



**Мѣсяца Іу́нія въ 28-й дѣнь
Служба святы́мъ и чудотворце́мъ,
безсребренникомъ Ки́ру и Ио́анну,
отправля́емая по церковному
чиноположе́нію со всено́щнымъ
бдѣ́ніемъ**

**НА МАЛЪЙ ВЕЧЕРНИ,
На Го́споди воззва́хъ: стихи́ры на 4, гла́сь 4.
Подобѣ́нь: Да́ль еси́ зна́меніе.**

Вода́ми духо́вными,* я́ко рѣ́ки,
наводня́емы,* и, я́вѣ напо́лншеся, тва́рь
напо́яете* богозна́меньми и пресла́вными
исцѣ́леній дарова́ніи,* и душетла́вныя стра́сти
изсуша́ете,* и недуги́ исцѣ́ляете,* и отгоня́ете
ду́хи,* богоно́снии безсребреницы́ Ки́ре и
Ио́анне,* моли́твенницы о́ душахъ
на́шихъ. **[Два́жды.]**

Стра́сти безсло́весныя* по́корше,
святіи,* душе́вными си́лами,* чело́вкомъ и
ското́мъ* благодѣ́яніе подава́ете,* отъ Христа́
дарова́ніемъ исцѣ́леній обога́щшеся.* Тѣ́мже
свяще́нное ва́ше* и свѣтоно́сное торже́ство
соверша́юще,* про́симъ очище́нія душа́мъ
на́шимъ.

Святы́й хра́мъ ва́шъ* я́ко не́бо
показа́ся,* свѣ́тоза́рное и спаса́тельное,* и я́ко
звѣ́зды, чуде́са спаса́тельная* ны́нѣ
притяжа́вше,* я́коже со́лнце
свѣ́тло,* Божество́нныхъ исцѣ́лений
дѣ́йство,* Ки́ре преблаже́нне, Ио́анне
пресла́вне,* Госпо́дни служи́тели,* и
моли́твенницы о ду́шахъ на́шихъ.

Сла́ва, гла́сь 8:

Кто́ не удиви́тся, кто́ не просла́вить, кто́ не
воспоётъ вѣ́рно му́дрыхъ и пресла́вныхъ
безсре́брениковъ чуде́са? Я́ко и по свято́мъ ихъ
преставле́нии всѣ́мъ подаю́тъ, притека́ющимъ
вѣ́рою, бога́тно врачева́ния, и честны́я и святы́я
мо́щи тѣ́хъ то́чатъ благода́ть врачева́ний. О,
дво́ица свята́я! О, честны́я главы́! О, му́дросте и
сла́во отъ Бо́га да́нная ва́мъ благода́ти! Тѣ́мже
пѣ́снями зове́мъ Благоде́телю Бо́гу, показа́вшему
ты́я на врачева́ние ду́шъ и тѣ́лесъ на́шихъ.

И ны́нѣ, богоро́диченъ:

Ра́дуйся, вселенны́я похва́ло; ра́дуйся, хра́ме
Госпо́день; ра́дуйся, горо́ приосѣ́ненная;
ра́дуйся, всѣ́хъ прибѣ́жище, ра́дуйся, свѣ́щнице
златы́й; ра́дуйся, сла́во правосла́вныхъ честна́я;
ра́дуйся, Мари́е, Ма́ти Христа́ Бо́га; ра́дуйся,
раю́; ра́дуйся, Божество́нная трапе́зо; ра́дуйся,

сѣне; радуѣся, рѣчко всезлатая; радуѣся, всѣхъ упованіе.

**На стиховнѣ стихиры, гласъ 1. Подобенъ:
Небесныхъ чиновъ.**

Чудесъ лучами облиставше вселенную всю,* святїи безмездницы,* пресвѣтлїи свѣтильницы,* небесї уподобистеся благодатю,* високаго жїтельства добродѣтелями,* звѣзды предлагаеми.

Стихъ: Святѣмъ, иже сѣуть на землї Егѣ,* удивї Господъ вся хотѣнїя Своя въ нїхъ.

Дождеродныя облаки, преизяществующа* многотекущими благодатей чудесы,* мѣченицы Господни,* всю землю мысленно напаяете,* здравая пѣснопѣнїя Богу* приносїти понуждающа.

Стихъ: Сѣ что добро, или что красно, но еже жїти братїи вкупѣ.

Исцѣляти страсти души и тѣлесѣ* хїтрость отъ Бога истинно прїемше,* мѣченицы Господни,* преестественно исцѣляете вся* не человѣческими лѣчбами врачѣбными,* но Божественными вдохновенными.

Слава, гласъ 4:

Источникъ исцѣленїй имѣще, святїи безсребреницы Кїре и Іоанне, исцѣленїя подаете

всѣмъ требующимъ, яко величайшихъ даровъ сподоблшеся отъ приснотекущаго источника — Спаса Христа. Рече бо къ вамъ Господь, яко единоревнителемъ апостоловъ: се дахъ вамъ власть надъ дѹхи нечистыми, якоже тѣхъ изгнати и исцѣлити всякъ недугъ и всякую язю. Тѣмже, въ повелѣнїихъ Его добръ поживше, туне прїясте, туне подаете, исцѣляюще страсти душъ и тѣлесъ нашихъ.

И нынѣ, богородиченъ:

Богородице, всѣхъ Царице, православныхъ похвало, еретичествоующихъ шатанїя разори, и лица ихъ посрами, не кланяющихся, ниже чтущихъ, Пречистая, честный Твой образъ.

Тропарь, гласъ 5:

Чудеса святыхъ Твоихъ мученикъ стѣну небориму намъ даровавый, Христѣ Божѣ, тѣхъ молитвами совѣты языковъ разори, царства скиптры укрѣпи, яко единъ Благъ и Человѣколюбецъ.

Слава, и нынѣ, богородиченъ:

Радуйся, двѣре Господня непроходима; радуйся, стѣно и покрове притекающихъ къ Тебѣ; радуйся, необуреваемое пристанище и неискусобрачная, рождающая плотию Творца Твоего и Бога, молящи не оскудѣвай о

воспѣвающихъ и кланяющихся Рождеству
Твоему.

Ектенія малая и отпусть.

**НА ВЕЛИЦЬЙ ВЕЧЕРНИ,
По обычномъ псалмѣ, поемъ Блаженъ
мужъ.., 1-й антифонъ. На Господи
воззвахъ: стихиры на 8, гласъ 4. Подобень:
Яко добля.**

Двоицу почтимъ* мученикъ
пѣснями,* Троицескую имущу
свѣтлость,* основаніе вѣры,* цвѣты,
дыхающія* благовоніе истинно* Христова
разумѣнія,* Кира вси и съ нимъ великаго
Іоанна,* яко молящіяся непрестанно о насъ ко
Господу. **[Трижды.]**

Житія свѣтлостію* и постомъ просіялъ еси* и
страданіемъ послѣжде* украсилъ еси твою душу,
Кире славне,* воинство же оставилъ еси
земное,* мудре Іоанне,* и обрѣлъ еси
небесное,* моляще оба Спаса* о блажащихъ
вашу память, блаженнии. **[Трижды.]**

Врачеве покажетесь немощнымъ,
блаженнии,* и свѣтильницы
незаходими* Божественныя вѣры,* исповѣданія
соглагольницы,* мученикомъ

соприча́стницы,* вѣнцы́ войстинну отъ Христа́
пріимше,* Кіре сла́вне и му́дре
Іоа́нне,* непреста́нно моли́те Спа́са* о и́же
вѣро́ю пою́щихъ ва́съ. **[Два́жды.]**

Сла́ва, гла́сь 8:

Дво́ица му́ченикъ дне́сь возсі́я на́мъ,
душе́вныя болѣ́зни на́ша исцѣ́ляюща, Кіръ и
Іоа́ннъ чудодѣ́йственніи: о́въ у́бо,
равноа́нгельное облобыза́въ еди́нственное житі́е,
да́же до конца́ поживѣ́, кро́вию му́ченическою
присво́яется Христу́; о́въ же, въ во́инскихъ
просі́явъ сосло́віихъ, небе́снымъ
воинствосло́віямъ градопису́ется. Тѣ́мже и въ
па́мь іхъ исцѣ́ленія подава́ють вѣро́ю
соверша́ющимъ, моля́щися о душа́хъ на́шихъ.

И ны́нѣ, богоро́дичень:

Ца́рь Небе́сный за чело́вколю́біе на землі́
яві́ся и съ чело́вки поживе́, от Дѣ́вы бо Чістыя
плотъ пріе́мый и изъ Нея́ проше́дый съ
воспрі́ятіемъ, еди́нь е́сть Сынъ, сугу́бъ
естество́мъ, но не впоста́сію. Тѣ́мже, совер́нна
Того́ Бо́га и совер́нна Чело́вка войстинну
проповѣ́дающе, исповѣ́дуемъ Христа́ Бо́га
нашего: Его́же моли́, Ма́ти Безневѣ́стная,
помі́ловатися душа́мъ на́шимъ.

**Аще суббота: И нынѣ, богородиченъ 1-й,
настоящаго гласа.**

**Входъ. Прокименъ дне и чтенія три.
Пророчества Исаина чтеніе. [Глава 43.]**

Тако глаголетъ Господь: вси языцы собращася
вкупѣ, и соберутся князи отъ нихъ, кто
возвѣститъ сія въ нихъ? Или яже отъ начала, кто
слышана сотворитъ вамъ? Да приведутъ
свидѣтели своя и оправдятся, и да услышатъ, и
да рекутъ истину. Будите Ми свидѣтели, и Азь
Свидѣтель, глаголетъ Господь Богъ, и отрокъ,
егоже избрахъ, да познаете и вѣруете Ми, и
разумѣете, яко Азь есмь; прежде Мене не бысть
инъ богъ, и по Мнѣ не будетъ. Азь есмь Богъ, и
нѣсть развѣ Мене спасаей. Азь возвѣстихъ и
спасохъ, уничижихъ, и не бѣ въ васъ чуждѣй. Вы
Мнѣ свидѣтели, и Азь Господь Богъ. И еще отъ
начала Азь есмь, и нѣсть отъ рукъ Моихъ
избавляей; сотворю, и кто отвратитъ то? Сице
глаголетъ Господь Богъ, избавляей васъ Святѣй
Израилевъ.

Премудрости Соломоновы чтеніе. [Глава 3.]

Праведныхъ души въ руцѣ Божіей, и не
прикоснется ихъ мука. Непщевани быша во
очесѣхъ безумныхъ умерети, и вмѣнися озлобленіе
исходъ ихъ, и еже отъ насъ шествіе сокрушеніе;
они же суть въ мирѣ. Ибо предъ лицемъ

человѣческимъ аще и муку приимуть, упованіе ихъ безсмертія исполнено. И вмалѣ наказани бывше, великими благодѣтельствовани будутъ, яко Богъ искуси я и обрѣте ихъ достойны Себѣ. Яко злато въ горнилѣ, искуси ихъ и, яко всеплодіе жертвенное, пріять я. И во время посѣщенія ихъ возсіяють и, яко іскры по стѣблю, потекутъ: судятъ языкомъ и обладають людьми, и воцаритъя Господь въ нихъ во вѣки. Надѣющіися Нань разумѣють истину и вѣрніи въ любви пребудутъ Ему, яко благодать и милость въ преподобныхъ Его и посѣщеніе во избранныхъ Его.

Премудрости Соломоновы чтеніе. [Глава 5.]

Праведницы во вѣки живутъ, и въ Господѣ мзда ихъ, и попеченіе ихъ у Вышняго. Сего ради приимуть царствіе благолѣпія и вѣнецъ доброты отъ руки Господни, зане десницею покрыетъ я и мышцею защититъ ихъ. Прииметъ всеоружіе — рвеніе свое и вооружитъ тварь въ мѣсть врагомъ. Облечетъся въ броня правды и возложитъ шлемъ — судъ нелицемѣренъ. Прииметъ щитъ непобѣдимый — преподобіе, поостритъ же напрасный гнѣвъ — во оружіе, споборетъ же съ нимъ мѣръ на безумныя. Пойдутъ праволучныя стрѣлы молніины и, яко отъ благокругла лука облаковъ, на намѣреніе полетятъ, и отъ каменомѣтныя ярости исполнь

паду́ть гра́ды. Вознегодуетъ на нихъ вода́ морская, рѣки же потопя́тъ я на́гло. Сопротивъ́ станетъ имъ дѹхъ си́лы и, яко вихоръ, развѣетъ ихъ, и опустоши́тъ всю зѣмлю беззаконіе, и злодѣ́йство преврати́тъ престо́лы си́льныхъ. Слы́шите у́бо, ца́рие, и разумѣ́йте, навѣ́кните, суді́и концевъ́ земли. Внуши́те держа́щи множества и гордя́щіися о наро́дѣхъ язы́ковъ, яко дана́ е́сть отъ Го́спода держа́ва ва́мъ и си́ла отъ Вы́шняго.

На литіи стихи́ра хра́ма и святы́хъ стихи́ры, гласъ 2:

Вра́чеве немощствую́щихъ, сокрови́ща врачевані́й, спасі́телие вѣ́рныхъ, безсребреницы́ всесла́внии, въ ну́ждахъ зову́щія и боля́щія исцѣ́лите, моля́ще Бо́га блага́го изба́виться на́мъ отъ сѣ́тей вражі́ихъ.

Исто́чникъ исцѣ́лені́й едина́го то́кмо въ лѣ́тъ исцѣ́лева́ше, хра́мъ же безсребрениковъ́ все́ множество исцѣ́ляетъ недугую́щихъ: неоску́дно бо е́сть и неиздива́емое бога́тство святы́хъ. Тѣ́хъ моли́твами, Христе́, поми́луй на́съ.

Радуется ли́къ святы́хъ во вѣ́ки, Ца́рство бо небѣ́сное наслѣ́доваша; зе́мля, мо́щи ихъ приѣ́мши, благово́ніе возвѣ́я, раби́ Христо́вы бы́ша, всели́вшися въ жи́знь вѣ́чную.

Слава, гласъ 6:

Безконечна е́сть свѣты́хъ благодѣ́ть, ю́же отъ Христа́ прѣ́ша, тѣ́мже и мо́щи ихъ отъ Божѣ́ственныя си́лы непреста́нно дѣ́йствуютъ чудеса́. Ихже имена́, вѣ́рою призыва́ема, неисцѣ́льныя болѣ́зни исцѣ́ляють. Имиже, Го́споди, и на́съ душе́вныхъ и тѣ́лесныхъ страсте́й свободи́, я́ко Человѣ́колюбець.

И нынѣ, богородиченъ:

Творе́ць и Изба́витель мо́й, Пречи́стая, Христо́сь Госпо́дь, изъ Твои́хъ ложе́снь проше́дь, въ мя́ оболкѣ́йся, пѣ́рвыя клятвы́ Ада́ма свободи́. Тѣ́мже Ти́, Всечи́стая, я́ко Бо́жии Ма́тери же и Дѣ́вѣ́, войсти́нну вопі́емъ немол́чно: ра́дуйся а́нгельски, ра́дуйся, Влады́чице, предста́тельство, и покрове́, и спасе́ние ду́шъ нашихъ.

На стиховнѣ стихиры, гласъ 1. Подобенъ:

Небесныхъ чиновъ.

Чуде́сь луча́ми облиста́вше вселѣ́нную всю,* свѣ́тии безме́здницы,* пресвѣ́тлии свѣ́тильницы,* небеси́ уподо́бистеся благода́тїю,* вы́сокаго жител́ства добродѣ́тельми,* звѣ́зды предлага́еми.

Стихъ: **С**вѣ́тымъ, и́же сѹ́ть на земли́ Его́,* удиви́ Госпо́дь вся хотѣ́нїя Своѣ́ въ ни́хъ.

Дождеродныя облаки,
преизяществующа* многотекущими благодатей
чудесы,* мученицы Господни,* всю землю
мысленно напаяете,* здравая пѣснопѣнія
Богу* приносить понуждающа.

Стихъ: Се что добро, или что красно, но еже
жити брати вкупѣ.

Исцѣляти страсти души и тѣлесѣ* хитрость отъ
Бога истинно приѣмше,* мученицы
Господни,* преестественно исцѣляете вся* не
человѣческими лѣчбами врачѣбными,* но
Божественными вдохновеньми.

Слава, гласъ 2:

Придите, вѣрныхъ сословіе, днесь, пѣсньми
вѣнчаемъ Кира со Іоанномъ, рала благодатная и
датели просящимъ незавѣстны, многообразнѣ бо
всѣмъ явишася врачеве пресвѣтліи. Тѣмже и
молятъ о душахъ нашихъ.

И нынѣ, богородиченъ:

О, чудесѣ новаго, всѣхъ древнихъ чудесѣ! Кто
бо позна Матерь, безъ мужа рождшую и на руку
носящую всю тварь Содержащаго? Божіе есть
изволеніе Рождшееся. Егѣже яко Младенца,
Пречистая, Твоима рукама носившая, и
матернее дерзновеніе къ Немѣ имущая, не
престай молящи о чтущихъ Тя, ущедрити и
спасти души наша.

**На благословеніи хлѣбовъ: Тропарь, гласъ 5:
Чудеса святыхъ.., дважды. [Писанъ на малѣй
вечерни.] И Богородице Дѣво.., единожды. И
чтеніе.**

НА УТРЕНИ,

**На Богъ Господь: Тропарь безмездниковъ,
дважды. Слава, и нынѣ, богородиченъ:
Радуйся, двѣре... [Писанъ на малѣй
вечерни.] Аще суббота: Богородиченъ
настоящаго гласа.**

По 1-мъ стихословіи сѣдаленъ, гласъ 2:

**Великихъ достойни бывше дарованій, славни,
во смиреннѣмъ житіи на земли пожисте, и,
преходяще всюду, туе болящимъ недуги и
страсти исцѣляюще, явистеся ангеломъ
собесѣдницы, Кире и Іоанне, вѣрнии, братіе
прекрасни, и наша страсти, молитвами
вашими, исцѣлите. [Дважды.]**

Слава, и нынѣ, богородиченъ:

**Милосердія сущи источникъ, милости сподоби
насъ, Богородице, призри на люди согрѣшившія,
яви яко прісно силу Твою: на Тя бо
уповающе, — радуйся, — вопіемъ Ти, якоже
иногда Гавріиль, безплотныхъ архистратигъ.**

По 2-мъ стихословіи съдаленъ, гласъ 1:

Страстотѣрпцы Христо́вы Ки́ре и Ио́анне, молитесь за ны́, вѣрою приходя́щія къ ва́мъ, вы́бо, моли́твами ва́шими, пода́ете исцѣле́нія благода́ть, и премно́гія недуги отгоня́ете, я́ко сохрани́цы жи́зни на́шея. **[Два́жды.]**

Сла́ва, и ны́нѣ, богоро́диченъ:

Пречи́стая Богоро́дице, на небесѣхъ благослове́нная, и на землі́ славосло́вимая, ра́дуйся, Невѣ́сто нене́вѣстная.

Та́же поліеле́й и по поліеле́и припѣвъ:

Велича́емъ ва́съ чудотво́рцы сла́вни Ки́ре и Ио́анне, и чте́мъ честна́я страда́нія ва́ша, я́же за Христа́ претерпѣ́ли есте́.

Псаломъ избранный: Бо́гъ на́мъ прибѣ́жище и си́ла...

По поліеле́и съдаленъ, гласъ 5. Подо́бенъ:

Собезнача́льное Сло́во.

Возсія́ днесъ пра́зднество страстотѣрпцевъ Ки́ра и Ио́анна, имѣ́ють бо съ небесе́ зарю́. Ли́къ а́нгельскій торжеству́етъ и челове́чскій ро́дъ спра́зднуетъ. Тѣ́мже сіи мо́лятся о душа́хъ на́шихъ. **[Два́жды.]**

Слава, и нынѣ, богородиченъ:

Дивныя Дѣвы тайна всему міру явіся спасеніе, изъ Неяже родися Радость: Господи, слава Тебѣ!

Степенна, 1-й антифонъ 4-го гласа.

Прокименъ, [гласъ 4:] Святѣмъ, иже сѹть на земли Его,* удиви Господь вся хотѣнія Своя въ нихъ. **Стихъ:** Предзрѣхъ Господа предо мною выину, [яко одесную мене естъ, да не подвижуся]. **Всякое** дыханіе... **Евангеліе**

Матѳея, зачало 34 отъ полу: Во время оно, призвавъ Исусъ обанадесять ученики Своя... туне пріясте, туне дадите. **Слава:** Молитвами святыхъ безсребренниковъ... **И нынѣ:** Молитвами Богородицы... **Таже:** Помилуй мя, Боже...

По 50-мъ псалмѣ стихира, гласъ 1:

Свѣтозарная и святая, и благообразная мучениковъ Кира и Іоанна, всепразднственная память, яже всю землю просвѣщаючи, мракъ грѣховный отгоняючи, лѣчбамъ благодать источаетъ.

Канонъ Богородицы, гласъ 8, со ирмосомъ на 6: ирмосъ по дважды, тропари на 4. [Аще суббота: канонъ храма Христова или Богородицы на 6.]

Пѣснь 1.

Ирмосъ: *Воду прошедъ, яко сушу, и египетскаго зла избѣжавъ, израильтянинъ вопіяше: Избавителю и Богу нашему поимъ.*

Многими содержимъ напастями, къ Тебѣ прибѣгаю спасенія искій, о Мати Слова и Дѣво! отъ тяжкихъ и лютыхъ мя спаси.

Срастѣй мя смущаютъ прилози, многаго унынія исполнити мою дѣшу: умири, Отроковице, тишиною Сына и Бога Твоего, Всенепорочная.

Спаса рождшую Тя и Бога, молю, Дѣво, избавитися ми лютыхъ: къ Тебѣ бо нынѣ прибѣгая, простираю и дѣшу и помышленіе.

Недугующа тѣломъ и душею, посѣщенія Божественнаго, и промысленія отъ Тебе сподоби, едина Богомати, яко Благая, Благаго же Родительнице.

**Инъ канонъ святыхъ, тропарі на 8, гласъ
тойже.**

Пѣснь 1.

Ирмосъ: *Истрясшему въ мори мучительство
фараоне и Израиля сушею наставьшему,
поимъ Христу, яко прославися во вѣки.*

Показавшему въ мірѣ чудотворцы и врачі,
Кира честнаго и Іоанна мученика, всѣмъ цѣляща
страсти благодатию, воспоемъ, вѣрнии, и
мучениковъ почтимъ память.

Отвергшеся нынѣшнихъ, будущихъ рачители
кровми истинному Рачителю послѣдоваша,
тѣмже въ ранахъ страждуще, доблественнѣ
терпяху.

Укрѣплшеся дерзновеніемъ и утверждше
душу, научившеся о Христѣ, и съ мученики
пострадаша мужески, и вѣнцы исплетоша
законно.

Богородиченъ: Спаси мя, Мати Истины,
обуреваема лють отъ страстей и часто
погружаема, и направи мя, Чистая, ко спасенію
тихаго пристанища.

Катавасія: Отверзу уста моя...

Пѣснь 3.

Ирмосъ: *Небеснаго круга Верхотворче,
Господи, и Церкви Зиждителю, Ты мене утверди*

въ любви Твоей, желаній краю, вѣрныхъ утверждѣніе, еди́не Человѣколю́бче.

Предста́тельство и покрóвъ жи́зни моея́ полагаю́ Тя, Богороди́тельнице Дѣ́во, Ты мя окорми́ ко приста́нищу Твоему́, благихъ ви́новна, вѣрныхъ утверждѣніе, еди́на Всепѣ́тая.

Молю́, Дѣ́во, душе́вное смущѣніе, и печа́ли моея́ бу́рю разори́ти: Ты́ бо, Богоневѣ́стная, нача́льника тишины́ Христа́ родила́ еси́, еди́на Пречи́стая.

Благодѣ́теля ро́ждши, до́брыхъ ви́новнаго, благодѣ́янія бога́тство всѣ́мъ источи́: вся́ бо мо́жеша, я́ко си́льнаго въ крѣ́пости Христа́ ро́ждши, Богоблаже́нная.

Лю́тыми недуги́ и болѣ́зненными страстьми́ истязáему, Дѣ́во, Ты́ ми помози́: исцѣ́леній бо неоску́дное Тя знаю́ сокрови́ще, Пренепоро́чная, неизживáемое.

Инъ.

Ирмо́съ: *Нѣсть свѣтъ, я́ко Господь, и нѣсть праведенъ, я́ко Богъ нашъ, Егоче поетъ вся тварь: нѣсть праведенъ, па́че, Тебе́, Го́споди.*

Вѣрою обостри́ль еси́ свѣтыя́ Твоя́, Христе́, наде́жду искова́ль еси́, любóвию разже́гль еси́, тремі́ всеору́жии́ треплетѣ́нный вѣне́ць тѣ́мъ исплѣ́ль еси́.

Добль сопротивъ сташа къ мучителемъ нечестивымъ непобѣдимии мученицы, прелести ловленія невредно прешедше: Христомъ бо вооружившеса, съ Нимъ и веселятса.

Яко столпы богозданнии и основанія твердая, на камени водрузиша восхожденія вѣры, отъ камене пивше воду присноживотную, юже отъ чаши Христоваы.

Богородичень: Духу бысть жилище, Чистая, приимши исполненіе всего Божества сыновнѣ и рождши Спаса и Господа и Избавителя рода нашего.

Съдалень, гласъ 4. Подобень: Вознесыйся.

Долу влекущія страсти поправше, къ мученія, страдальцы, Божественнѣй высотѣ свѣтло вознесостеса благодатию, Кире и Иоанне, вселенныя свѣтильницы. Тѣмже молимся: тмы грѣховныя и недугъ избавите насъ, Иже надъ всѣми Бога моляще. **[Дважды.]**

Слава, и нынѣ, богородичень:

Грѣхлюбивъ сый, молю Тя, безгрѣшнаго Бога рождшую, вземлющаго грѣхи міра, Пречистая, многогрѣшную душу мою ущедрити и грѣхи моя многія очистити: грѣшнымъ бо Ты еси очищеніе, и спасеніе вѣрнымъ, и заступленіе.

ПѢСНЬ 4.

Ирмосъ: Услы́шахъ, Го́споди, смотре́нія
Твоего́ та́инство, разумѣ́хъ дѣла́ Твоя́ и
просла́вихъ Твое́ Божество́.

Страсте́й моихъ смущене́е, ко́рмчию ро́ждшая
Го́спода, и бу́рю ути́ши моихъ прегрѣ́шеній,
Богоневѣ́стная.

Милосе́рдія Твоего́ бе́здну призыва́ющу
пода́ждь ми, Яже благосе́рдаго ро́ждшая, и
Спа́са всѣхъ пою́щихъ Тя.

Наслажда́ющесея, Пречи́стая, Твои́хъ
дарова́ній, благодарственное воспѣ́ваемъ пѣ́ніе,
вѣду́ще Тя Богома́терь.

На одрѣ́ болѣ́зни моея́, и не́моци низлежа́щу
ми, я́ко благолюбива́, помози́, Богоро́дице, едина́
Приснодѣ́во.

Наде́жду и утвержде́ние, и спасе́нія стѣ́ну
недви́жиму, иму́ще Тя, Всепѣ́тая, неудобства
всякаго́ избавляе́мся.

Инь.

Ирмосъ: Изъ горы́ приосѣ́нныя, Сло́ве,
проро́къ, едина́я Богоро́дицы, хотя́ща
воплоти́тися, богови́дно усмотри́, и со стра́хомъ
славосло́вляше си́лу Твою́.

Тѣло, и дѹшу, и умъ, и сердечная вся Христу пожросте вѣрою и, мучителей суровство побѣждше, законно, святїи, вѣнчаестеся.

Мечу и огню тѣло предавше, жертвы прїятны бысте Богу и въ воню благоуханїя на трапезѣ тайнѣ принесостеся.

Неугасїма заря возсія мїру — мѹщи Твоихъ мученикъ, Благодѣтелю, еюже отгнася тма неразумїя и въ тоя мѣсто введѣся благоразумїе.

Богородичень: Владычице Чїстая, Слова Божественнаго двѣри, Цѣркви Твоей совокупленныя и Тя, Пречїстую, пѣсньми хвалящїя покрый и соблюди отъ всякихъ золь.

Пѣснь 5.

Ирмосъ: *Просвѣти насъ повелѣнїи Твоими, Господи, и мышцею Твоею высокою Твоѣмъ мїръ подаждь намъ, Человѣколюбче.*

Исполни, Чїстая, веселїя сердце мое, Твою нетлѣнную даючи радость, веселїя рождшая виновнаго.

Избави насъ отъ бѣдъ, Богородице Чїстая, вѣчное рождши избавленїе, и мїръ всякъ умъ преимущїй.

Разрѣши мглу прегрѣшенїй моихъ, Богоневѣсто, просвѣщенїемъ Твоея свѣтлости, Свѣтъ рождшая Божественный и превѣчный.

Исцѣли, Чистая, души моея неможѣніе, посѣщенія Твоего сподобльши, и здравіе молитвами Твоими подаждь ми.

Инъ.

Ирмосъ: *Утренююще вопіемъ Ти: Господи, спаси ны, Ты бо еси Богъ нашъ, развь Тебѣ, ино́го не вѣмы.*

Спътники дѣвы стяжавше, страсотѣрпцы, взяте совершенный вѣнецъ побѣды, радующесея.

Божественнаго сіянія зарею просвѣщшесея, мученицы прехвальнии, и присно міръ просвѣщаете.

Страстѣмъ Господнимъ подобящесея, страсотѣрпцы, болѣзни претерпѣте доблемудренно, непобѣдиміи.

Богородиченъ: *Утиши непостоянную бурю страстей моихъ, Яже Бога рождши, Кормчию и Господа.*

Пѣснь 6.

Ирмосъ: *Молитву пролію ко Господу и Тому возвѣщю печали моя, яко золь душа моя исполнися и животь мой аду приближися, и молюся, яко Юна: отъ тли, Боже, возведи мя.*

Смерти и тли яко спасль есть, Самъ Ся издавь смерти, тлїемъ и смертію мое естество ято

бывшее, Дѣво, моли Господа и Сына Твоего, враговъ злодѣйствія мя избавити.

Предстательницу Тя живота вѣмъ, и хранительницу твѣрду, Дѣво, и напастей рѣшащу молвы, и налоги бѣсовъ отгоняющу: и молюся всегда, отъ тли страстей моихъ избавити мя.

Яко стѣну приближища стяжахомъ, и душъ всесовершенное спасеніе, и пространство въ скорбехъ, Отроковице, и просвѣщеніемъ Твоимъ присно радуемся: о Владычице, и нынѣ насъ отъ страстей и бѣдъ спаси.

На одрѣ нынѣ немощствуяй лежю, и нѣсть исцѣленія плоти моей, но Бога и Спаса міру, и Избавителя недуговъ рождающая, Тебѣ молюся Благой: отъ тли недуговъ возстави мя.

Инъ.

Ирмосъ: *Ризу мнѣ подаждь свѣтлу, одѣйся свѣтомъ, яко ризою, многомилостиве Христе Боже нашъ.*

Бронями вѣры добръ вооружившеся, мученицы, твѣрдо уязвите сопротивоборца врага и супостата.

Память святыхъ Твоихъ, Христе, въ пѣсняхъ славимъ и Тебѣ, Богу нашему, поклоненіе вѣрою приносимъ.

Страстѣмъ Твоимъ ревновавше, Христѣ, славнои мученицы мученія претерпѣша, ихже молитвами, Божѣ, спаси всѣхъ насъ.

Богородичень: Церковь Тя Божию, и ковчегъ, и чертогъ одушевленъ, и дверь небесную, Богородице, вѣрнии, возвѣщаемъ.

Кондакъ, гласъ 3. Подобень: Дѣва днесь.

Отъ Божественныя благодати даръ чудесъ воспріемше, святїи, чудодѣйствуете въ мїрѣ непрестанно, вся наша страсти руководѣиствомъ исцѣляюще невидимо, Кире богомудре со Іоанномъ славнымъ: вы бо сущѣ божественнии врачеве есте.

Икосъ:

Сами себе Богу возложше, святїи, все искушеніе лютое Его ради претерпѣсте, умерше усердно, мученицы добліи, и по кончинѣ всѣмъ источаете Божественная дарованія, сущимъ въ различныхъ недузѣхъ, и отъ многихъ исцѣляете золь, отъ нихже единъ и первый есмь азъ, окаянный, тѣломъ бо и душею отъ язвъ лютыхъ болю, и вѣрою вамъ вопію: исцѣлите мя, вы бо божественнии врачеве есте.

Пѣснь 7.

Ирмосъ: *Отъ Іудеи дошедше, отроцы, въ Вавилонъ иногда, вѣрою Троическою пламень*

пещный попраша, поюще: отцевъ Боже, благословенъ еси.

Наше спасение якоже восхотѣлъ еси, Спасе, устроить, во утробу Дѣвья вселился еси, Юже міру представительницу показалъ еси: отецъ нашихъ Боже, благословенъ еси.

Волителя милости, Егоже родила еси, Мати Чистая, умоли избавитися отъ прегрѣшеній, и душевныхъ сквернъ, вѣрою зовущимъ: отецъ нашихъ, Боже, благословенъ еси.

Сокровище спасения, и источникъ нетлѣнія, Тя рождшую, и столпъ утверждения, и дверь покаяния зовущимъ показалъ еси: отецъ нашихъ Боже, благословенъ еси.

Тлѣсныя слабости и душевныя недуги, Богородительнице, любовію приступающихъ ко крову Твоему, Дѣво, исцѣлѣти сподоби, Спаса Христа намъ рождшая.

Инъ.

Ирмосъ: Ангеломъ отроки изъ огня спасый и гремящую пещъ преложивый на росу, благословенъ еси, Боже отецъ нашихъ.

Небесныя славы рачители бывше, страдальцы Твой, Господи, Киръ и Іоаннъ временную и тлѣющую славу оставиша.

Яко словесную жертву, предавше тѣло и, яко служеніе, изливающе Тебѣ, Богу, кровь, страдальцы Твой, Иисусе, всесожжени быша.

Яко страшень есть мучениковъ соборъ, яко и по смерти дѹхи прогоняетъ и недугующимъ исцѣленіе подаваетъ.

Богородичень: Паче вины раждаеши всяческихъ Виновнаго, премногою благодію Человѣка бывша, тѣмже согласно Тя, Чистая, ублажаемъ.

Пѣснь 8.

Ирмосъ: Царя Небеснаго, Егѡже поютъ вои ангельстїи, хвалите и превозносите во вся вѣки.

Помощи яже отъ Тебѣ требующія, не презри, Дѣво, поющія и превозносящія Тя во вѣки.

Неможеніе души моея исцѣляеши, и тѣлесныя болѣзни, Дѣво, да Тя прославлю, Чистая, во вѣки.

Исцѣленій богатство изливаеши вѣрно поющимъ Тя, Дѣво, и превозносящимъ неизрѣченное Твое рождество.

Напастей Ты прилоги отгоняеши, и страстей находы, Дѣво: тѣмже Тя поемъ во вся вѣки.

Инъ.

Ирмосъ: Отъ Отца прежде вѣкъ рожденнаго и отъ Матере въ послѣдняя воплощеннаго,

священницы, благословите, людие, превозносите во вся вѣки.

О идольскихъ негодовавше жертвахъ, духовны принесоша себѣ жертвы на небеснѣй трапезѣ добліи мученіемъ.

Тайныя службы священнодѣйствующе, отсѣченіе удовъ Тому принесоша, яко пріятныя жертвы, тѣло и кровь на трапезѣ и чаши.

Запинателя праматере утайвшися, пищный объясте потокъ и отъ Божественнаго древа вкусисте, дѣвицы, страданьми украсившися.

Богородичень: Пророкъ прореченія, Пресвятая, въ Тебѣ конецъ пріяша Божественный, міръ весь должно Тя пѣти, Чистая, убѣждаютъ.

Пѣснь 9.

Ирмосъ: *Воистинну Богородицу, Тя исповѣдуемъ, спасеннию Тобою, Дѣво Чистая, съ безплотными лики Тя величающе.*

Тока слезъ моихъ не отвратися, Яже отъ всякаго лица всяку слезу отъемшаго, Дѣво, Христа рождшая.

Радости мое сѣрдце исполни, Дѣво, Яже радости пріемшая исполненіе, грѣховную печаль потребляющи.

Приста́нище и предста́тельство къ Тебѣ́ прибу́гающихъ бу́ди, Дѣ́во, и стѣ́на́ неруши́мая, прибу́жище же и покрóвъ, и весéліе.

Свѣ́та Твоего́ заря́ми просвѣ́ти, Дѣ́во, мракъ невѣ́дѣнія отгоня́ючи, благовѣ́рно Богороди́цу Тя исповѣ́дающихъ.

На мѣ́стѣ́ озлоблѣ́нія нѣ́моци смири́вшагося, Дѣ́во, исцѣ́ли, изъ нездра́вія во здра́віе претворя́ючи.

Инь.

Ирмо́сь: *Велича́емъ Тя, Ма́терь Бо́жію, и сла́вимъ Тя, Богороди́це Дѣ́во, я́ко Спа́са ро́ждшую ду́шъ на́шихъ.*

Христо́вы ору́жницы, недугующимъ вра́чеве, Ки́рь и Иоáннъ, чудесъ́ благода́ть отъ Бо́га приѣ́мше, исцѣ́ляютъ всѣ́хъ насъ́.

Душе́вныя стра́сти, предста́вше, Ки́рь и Иоáннъ до конца́ отгоня́ютъ вѣ́рою и си́лою Христо́вою, непобѣ́димии.

Бо́же Зижди́телю, Егóже проповѣ́даша иногда́ Ки́рь и Иоáннъ, творя́щія па́мь тѣ́хъ муче́нія вся уще́дри.

Богороди́чень: **М**а́терь вси́ Бо́га на́шего Боже́ственно почти́мъ: То́я бо ра́ди вы́шнія сподо́бихомся че́сти, воспѣ́вающіи Ю́.

Свѣтиленъ. Подобенъ: Небо звѣздами.

Чудодѣйственніи свѣтильницы, Кире со Іоанномъ, душевныя наша недуги и тѣлесныя исцѣлите, отъ Господа пріемше благодать исцѣленій. **[Дважды.]**

Слава, и нынѣ, богородиченъ:

Иже отъ Бога міру поданнымъ благимъ Ты вина была еси, Богородице, но и нынѣ моли о общемъ спасеніи Благопремѣннаго Бога.

На хвалитехъ стихиры на 4, гласъ 4.

Подобенъ: Яко дѣбля.

Двоицу почтимъ* мученикъ
пѣснями,* Троическую имущу
свѣтлость,* основаніе вѣры,* цвѣты,
дыхающія* благовоніе истинно* Христова
разумѣнія,* Кира вси и съ нимъ великаго
Іоанна,* яко молящіяся непрестанно о насъ ко
Господу. **[Дважды.]**

Житія свѣтлостію* и постомъ просіялъ еси* и
страданіемъ послѣжде* украсилъ еси твою душу,
Кире славне,* воинство же оставилъ еси
земное,* мудре Іоанне,* и обрѣлъ еси
небесное,* моляще оба Спаса* о блажащихъ
вашу паметъ, блаженніи.

Врачеве покажетесь немощнымъ,
блаженніи,* и свѣтильницы

незаходіміи* Божественныя вѣры,* исповѣданія
соглагольницы,* мученикомъ
сопричастницы,* вѣнцы войстинну отъ Христа
пріймше,* Кире славне и мудре
Іоанне,* непрестанно молите Спаса* о іже
вѣрою поющихъ васъ.

Слава, гласъ тойже:

Достохвальными пѣсньми, вѣрніи,
возвеличимъ Кира и Іоанна, іже духомъ
единокровныя и по плоти братомудрыя, съ
нимиже Аѳанасію доблюю похваляюще и
прозябѣніе ея, Θεодотію, Евдоксію и Θεоктисту,
страстотерпицы и приснодѣвы, молящія Христа
о душахъ нашихъ.

И нынѣ, богородичень:

Избави ны отъ нуждъ нашихъ, Мати Христа
Бога, рождающая всѣхъ Творца, да вси зовѣмъ Ти:
радуйся, единое предстательство душъ нашихъ.

Славословіе великое. Ектеніи и отпусть.

НА ЛИТУРГІИ,

**Блаженна отъ канона святыхъ, пѣснь 3-я и
6-я на 8. Прокимень, гласъ 4: Святимъ, іже
суть на земли Его, [удиви Господь вся хотѣнія
Своя въ нихъ]. Стихъ: Предзрѣхъ Господа предо
мною выну, [яко одесную мене есть, да не**

подви́жуся]. **Апосто́ль къ Коринѳяномъ, зачало 153. Аллилу́ія, гласъ 4: Воззва́ша праведни́и, [и Госпо́дь услы́ша ихъ, и отъ всѣхъ скорбей ихъ изба́ви ихъ]. Стихъ: Мно́ги скорби праведнымъ, [и отъ всѣхъ ихъ изба́вить я Госпо́дь]. Евангеліе Матѳея, зачало 34, отъ полу́. Прича́стенъ: Ра́дуйтеся праведни́и о Го́сподѣ, [правымъ подоба́еть похвала.]**

